

Riječ urednika

S velikim zadovoljstvom smo prihvatili prijedlog rektora Univerziteta u Travniku gospodina R. Dacića da novi broj „Univerzitetske hronike“, br. 4, bude u redakciji Grafičkog fakulteta iz Kiseljaka.

Organizacija izdavanja univerzitetske hronike je velik izazov za Grafički fakultet, za njegove kadrove, koji se, pored redovnih poslova u procesu nastave i vježbi, bave naučno-istraživačkim i razvojnim radom uz praćenje tokova svjetske nauke i tehnologija. Osnovni profil ovog broja „Univerzitetske hronike“ je prikaz radnih i naučnih aktivnosti nastavnika i asistenata, uz pregled rada studenata kroz seminarske i druge radove, pregled interesantnih naučnih radova iz oblasti Grafičke tehnologije, novih materijala, organizovanja rada, saopštenja sa drugih naučnih skupova u zemlji i inostranstvu. Posebno karakteristično za ovaj broj „Univerzitetske hronike“ su naučni prilozi prof. dr. sc. D. Babića, prof. dr. sc. N. Mrvca, prof. dr. sc. D. Novakovića, kao i ostalih autora, koji su nastali kao rezultat vlastitih istraživanja po savremenim metodama i obogaćuju fundus nauke. Sigurno je da će određene naučne i stručne poruke „Univerzitetske hronike“ biti predmet interesovanja na drugim naučnim institucijama u BiH, na univerzitetima i fakultetima i u firmama. Univerzitetska hronika je pored članica Univerziteta namijenjena širokoj javnosti BiH s osnovnim ciljem prezentacije stanja u visokom obrazovnom sistemu, sa kritičnom ocjenom o pojedinim specifičnim područjima i pojavama, kao i konstatacijom o postojanju vrlo dinamičkog unutarnjeg „korpusa“ za prihvatanje novih promjena, inovacija i unapređenja, uz sudjelovanje velikog broja mladih i perspektivnih istraživača i pedagoga. Put kretanja uređivačke politike „Univerzitetske hronike“ je uzlazan i ima sve elemente da se obogati novim naučnim i stručnim sadržajima od autora iz zemlje i inostranstva pa time i novim rangiranjem u oblasti naučnih publikacija, za što će između ostalog trebati dosta zajedničkog rada, htijenja, materijalnih sredstava i vremena. Naša je želja da se put „Univerzitetske hronike“ nastavi istim putem kao i „Travničke hronike“ i da pos
ane ne samo sinonim grada Travnika već cijele Bosne i Hercegovine.

S poštovanjem,

Glavni i odgovorni urednik
Fuad Bajraktarević